

SAMOA

Faatulagaina o Aiaiga

- | | |
|------------------------------|-----------------------------|
| 1. Igoa Puupuu ma le Amataga | 3. Faamatuu atu ma le |
| 2. Faamatuu atu ma le | Faatatauina o le \$600,000 |
| Faatatauina o le | mai le Teugatupe a le Tausi |
| \$360,697,517 mai le | Mavaega |
| Faaputugatupe a le | |
| Matagaluega o Tupe | Faamatalaga |

2006, Nu. 9

O SE TULAFONO e faatagaina ai le faatatauina o nisi o vaegatupe mai le Faaputugatupe a le Matagaluega o Tupe ma le Teugatupe a le Tausi Mavaega ma lona faaaogaina faapitoa i galuega faatino ma galuega faatino laiti e tuuina atu e Matagaluega, galuega faatino e tuuina atu e Isi Vaega ma galuega ua faia e avea ai ma sui o le Malo mo le Tausaga Faaletupe e faaiuina i le aso 30 o Iuni 2007. *[26 Iuni 2006]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa Puupuu ma le Amataga - (1) E mafai ona taua lenei Tulafono o le Tulafono o le Faatatauina o Tupe 2006/2007.

(2) E tatau ona amata faamamaluina lenei Tulafono i le aso e tuuina atu i ai le maliega a Le Ao o le Malo.

(3) E tatau ona lomia faasalalau le Faasilasilaga o le amata faamamaluina o lenei Tulafono i le gagana Samoa ma le gagana Peretania i le Savali ma se isi Nusipepa o lo o faasalalauina i totonu o Samoa.

2. Faamatuu atu ma le Faatatauina o le \$360,697,517 mai le Faaputugatupe a le Matagaluega o Tupe-(1) E mafai ona tuuina atu mai le Faaputugatupe a le Matagaluega o Tupe ma faaaogāina i galuega faatino po o galuega faatino laiti e tuuina atu e Matagaluega taitasi, galuega faatino e tuuina atu e isi vaega po o mo galuega e avea ai ma sui o le Malo mo le tausaga faaletupe 2006/2007 ni vaegatupe o tupe e le sili atu i le aofaiga e **\$360,697,517**.

(2) O vaegatupe ua faatagaina e faaaoga i lalo o le faafuuiupu (1) ua faeseese ona faatatauina mo galuega faatino ma galuega faatino laiti o le a tuuina atu e matagaluega, galuega faatino e tuuina atu e isi vaega po o galuega e avea ai ma sui o le Malo, e pei ona faamaoti mai i totonu o le Faamatalaga.

3. Faamatuu atu ma le Faatatauina o le \$600,000 mai le teugatupe a le Tausi Mavaega-(1) E mafai ona tuuina atu mai le Teugatupe a le Tausi Mavaega (tuuina i le Faletupe ANZ, Samoa Ltd.) ma faaaogāina i galuega faatino ma galuega faatino laiti, totogi o tagata faigaluega ma isi tupe totogi i fafo atu, tau faaee atu ma tupe alu faaletulafono e tulai mai po o e totogiina ai le faafoeina o le Ofisa Tausi Mavaega mo le tausaga faaletupe 2006/2007 ni vaegatupe o tupe e le sili atu i le aofaiga e **\$600,000**.

(2) O vaegatupe ua faatagaina e faaaoga e tusa ai ma le faafuuiupu (1) ua faatatauina nei e faaaogāina e le Ofisa o le Tausi Mavaega.

FAAMATALAGA